

PRAVA PACIJENATA

Svakom pacijentu garantuju se prava:

- Na dostupnost zdravstvene zaštite, uključujući i pravo na hitnu medicinsku pomoć;
- Na informacije;
- Na obavještenost i učestvovanje u postupku liječenja;
- Na slobodan izbor;
- Na samoodlučivanje i pristanak, uključujući i zaštitu prava pacijenta koji nije sposoban dati pristanak;
- Na povjerljivost informacija i privatnost;
- Na tajnost podataka;
- Na lično dostojanstvo;
- Na sprečavanja i olakšavanje patnji i bola;
- Na poštovanje pacijentovog vremena;
- Na uvid u medicinsku dokumentaciju;
- Na samovoljno napuštanje zdravstvene ustanove;
- Specifična prava pacijenta nad kojim se vrši medicinsko istraživanje;
- Na preventivne mjere i informisanje o očuvanju zdravlja;
- Na prigovor;
- Na naknadu štete;
- Na prehranu u skladu sa svjetonazorom;
- Na održavanje ličnih kontakata;
- Na obavljanje vjerskih obreda.

Navedena prava regulisana su “Zakonom o zdravstvenoj zaštiti FBiH” i predstavljaju dobar oslonac za korištenje tih zakonskih sadržaja. Svaki pacijent treba da insistira na ostvarenju svoji prava i da se ta prava provode u praksi u situacijama ostvarivanja zdravstvene zaštite.

OBAVEZE I ODGOVORNOSTI PACIJENATA

Obaveze i odgovnosti pacijenata se odnose na:

- Lično zdravlje;
- Druge korisnike zdravstvenih usluga;
- Zdravstvene radnike i zdravstvene saradnike koji osiguravaju i omogućavaju zdravstvene usluge;
- Širu zdravstvenu zajednicu

Obaveze i odgovnosti se prije svega odnose na lično zdravlje što podrazumijeva promjenu stila života u pravcu prihvatanja i provođenja svih mjera samozaštite, samopomoći, prve pomoći, uzajamne pomoći i pomoći koju pruža Ustanova.

Obaveze i odgovnosti pacijenata su prvi uslov za ostvarivanje punih prava pacijenata. Pacijent je obavezan odgovorno se odnositi prema svom zdravlju, te aktivno učestvovati pri zaštiti, očuvanju i unapređenju svoga zdravlja. Pacijent je obavezan pri ostvarivanju zdravstvene zaštite pridržavati se uputstava i preduzetih mjera propisane terapije od strane nadležnog zdravstvenog radnika.

Ukoliko pacijent boluje od bolesti koja može uticati na zdravlje i život drugih ljudi ne smije niti jednim svojim postupkom izazvati opasnost po zdravlje i život drugih ljudi u široj društvenoj zajednici.

Pacijent je obavezan poštivati kućni red zdravstvene ustanove regulisan opštim aktima zdravstvene ustanove o uslovima boravka i ponašanja u njoj.

Pacijent je obavezan u potpunosti informisati nadležnog zdravstvenog radnika i dati istinite podatke o svom zdravstvenom stanju, promjeni adrese i telefonskog broja.